



EXCMO. CONCELLO DE  
BAIONA

## **BASES REGULADORAS PARA PARTICIPAR NO CAMPAMENTO URBÁN 2020 ORGANIZADO POLO CONCELLO DE BAIONA.**

### **Primeira.- Fundamentación.**

A Concellería de Cultura do Concello de Baiona organiza esta actividade para ofrecer a posibilidade de que os nenos e nenas empreguen o seu tempo libre estival participando en actividades de forma organizada e planificada, a través de actividades de calidade, promovendo a corresponsabilidade, a cooperación, a educación en valores, coñecendo os espazos públicos municipais, e fomentando a convivencia entre a mocidade.

### **Segunda.- Datos da actividade:**

Establécense dúas quendas:

1º Quenda: do 1 ao 15 de xullo.

2º Quenda: do 16 ao 31 de xullo.

Horario: de luns a venres de 10.30 a 13.30 h.

Número de prazas: 30 prazas por quenda.

Cada participante optará a unha única quenda, agás no caso de que queden prazas baleiras.

### **Terceira.- Programa de actividades :**

Durante o campamento desenvolverase un programa de actividades de lecer e tempo libre. Haberá distintas clases de xogos; de presentación, cooperativos, de integración ect, visitas a distintos monumentos, museos, prazas e praias da vila; visitarán a Carabela Pinta, a Casa da Navegación, a Virxe da Rocha, o Parador de Turismo Conde de Gondomar, a estatua de Martín Alonso Pinzón, o Encontro entre dous mundos, o porto, realizarán un tramo do camiño portugués pola costa, unha recollida de residuos na praia, e unha festa temática cada fin de quenda. A recepción dos participantes sempre terá lugar na praza do concello.

**Cuarto.- Requisitos dos/das participantes:** Ter entre 5 e 11 anos. Os participantes deberán ter a idade requirida antes do 1º día do comezo da quenda asignada.

**Quinta.- Prezo:** Gratuíto.

### **Sexta.- Prazo e lugar de presentación de solicitudes:**

A solicitude pode ser individual ou múltiple.

A)Solicitude individual: A persoas interesadas en presentar unha solicitude de participación individual deben utilizar o formulario de solicitude individual.

B)Solicitude múltiple: As persoas interesadas en presentar unha solicitude de participación múltiple (no caso de irmáns), deben utilizar o formulario de solicitude múltiple.

As solicitudes deberán presentarse no Rexistro Xeral do Concello ou na Sede Electrónica (baiona.sedelectronica.gal), xunto coa copia do DNI ou libro de familia e a copia da tarxeta sanitaria do menor, do 10 ao 23 de xuño de 2020.



EXCMO. CONCELLO DE  
**BAIONA**

Dada a situación de excepcionalidade derivada da alerta sanitaria por COVID-19, o Rexistro Xeral do concello está aberto ao público os martes e xoves e será necesario solicitar cita previa chamando ao teléfono 986356779.

No caso de solicitudes presentadas pola Sede Electrónica, éstas poderán presentarse en calquera hora ou día durante a vixencia do prazo de solicitudes.

Os formularios de solicitude poden descargarse da páxina web municipal ([www.baiona.org](http://www.baiona.org)) ou ser solicitados en formato papel na oficina de Rexistro con cita previa, ou no correo [xuventude@baiona.org](mailto:xuventude@baiona.org)

Poderán admitirse solicitudes de participación fora de prazo, sempre que existan prazas baleiras.

**Sétima.- Adxudicación de prazas:**

A adxudicación de prazas realizarase mediante sorteo, que terá lugar o 26 de xuño de 2020. Dada a situación de excepcionalidade derivada da alerta sanitaria polo COVID-19, o sorteo realizarase a porta pechada.

Con anterioridade ao sorteo, publicarase a lista de admitidos ou excluídos na web do concello ([www.baiona.org](http://www.baiona.org)).

**Oitaba.- Lista de agarda:**

Os nenos e nenas que non dispoñan de praza, pasarán a formar parte da lista de agarda, coa finalidade de cubrir as baixas que se poidan producir.

**Novena.- Excepcionalidade derivada da alerta sanitaria.**

Todas as condicións que se establecen nas presentes bases poden sufrir modificacións en función das disposicións que dicte a autoridade sanitaria relativas a pandemia por COVID-19.

Todas as actividades descritas na realización do campamento levaranse a cabo aplicando o protocolo de prevención de contaxios do COVID-19 que estableza a autoridade sanitaria en cada momento.

**Décima.- Cancelación da actividade.**

O Concello resérvase o dereito de cancelar a actividade se non se alcanzara o número mínimo de participantes (15) por quenda.

Máis información na Concellería de Cultura, no teléfono 986385921, ou en [xuventude@baiona.org](mailto:xuventude@baiona.org)